

IZVJEŠTAJ O RADU ODGOJNO-OBRAZOVNIH USTANOVA U 2017/2018. GODINI

NAZIV ODGOJNO-OBRAZOVNE USTANOVE	JU GIMNAZIJA "EDHEM MULABDIĆ"
PODRUČNE ŠKOLE	-
TEHNIČKE I SRODNE ŠKOLE, STRUČNE ŠKOLE	-
IZBORNE GRUPE (gimnazije)	U 2017/2018. godini u Gimnaziji „Edhem Mulabdić“ učenici III i IV razreda bili su podijeljeni u četiri izborna područja . U trećim razredima imali smo dva kombinovana odjeljenja i to: III-1- prirodno i društveno izborno područje III-2 - matematičko-informatičko i jezičko izborno područje. U četvrtim razredima imali smo tri odjeljenja i to: IV-1 - prirodno izborno područje IV-2 - društveno izborno područje IV-3 – matematičko-informatičko izborno područje
BROJ UČENIKA I BROJ ODJELJENJA (u matičnim i područnim školama)	U 2017/2018. godini naša škola imala je 183 učenika koji su bili raspoređeni u 10 odjeljenja.
USPJEH UČENIKA U UČENJU I VLADANJU	Nastavnu godinu završilo je 178 učenika, 5 manje u odnosu na početak školske godine. Od tog broja odličnih je bilo 88 (49,44%), vrlo dobrih 60 (33,71%), dobrih 30 (16,85%). Prolaznost je 100%. Prosječna ocjena učenja bila je 4,32. 167(93,82%) učenika imalo je primjerno vladanje, 8 (4,49%) vrlo dobro, 2 (1,12%) učenika dobro i 1 (0,56 %) imao je vladanje loše.
UVJETI RADA (prostor, oprema učila i drugo)	Prostor koji koristi naša škola za odgojno-obrazovnu djelatnost lociran je u istoj zgradi koju koristi i Mješovita srednja škola Maglaj. Gimnazija koristi kabinete koji se nalaze na drugom spratu škole te tri zajedničke učionice/kabineta u prizemlju. S obzirom na broj učenika koji pohađaju Gimnaziju, možemo konstatovati da raspolažemo dovoljnim brojem učionica i kabineta. Materijalni uvjeti za rad škole su u potpunosti ispunjeni. Nastava je djelimično kabinetskog tipa (2 učionice, 10 kabineta i 1 laboratorij). Škola ima dovoljno sredstava i opreme. Kabineti su potpuno opremljeni savremenim nastavnim sredstvima i pomagalicama te su svi povezani na internetsku mrežu. Kabinet informatike ima 20 kompjutera što je dovoljno za održavanje nastave. Nastava TIZO-a se izvodi sa adekvatnom opremom u gradskoj sportskoj dvorani, čija je kompletna obnova završena u augustu mjesecu 2015. godine. U kabinetu za njemački jezik postoji fonolaboratorij. U školi je na raspolaganju 25 laptopa (15 novih i 10 polovnih) za profesore, 8 TV prijemnika, 6 DVD playera, 9 CD playera, 9 grafoskopa, 15 projektor, 15 projekcionih platna, 2 fotoaparata i 1 tablet. Biblioteka je smještena u namjenskom prostoru i trenutno posjeduje oko 6039 knjiga. Kontinuirano se radi

	na nabavci potrebne lektirske građe. Namještaja ima dovoljno, uz napomenu da je namještaj u gotovo svim kabinetima zamijenjen novim. Tokom raspusta, iz vlastitih sredstava, nabavljeno je 15 učioničkih stolica i jedna bijela tabla te dvije police za knjige. Zgrada ima sopstveno grijanje na pelet te je 13.7.2017. okončana procedura izbora najpovoljnijeg ponuđača za nabavku i isporuku 30 tona peleta, kako bi se blagovremeno osigurale dovoljne količine za optimalno zagrijavanje učionica u narednoj grejnoj sezoni. Škola ima dovoljnu količinu higijenskih sredstava. Školski poligon je rekonstrisan 2017. sredstavima MONKSA ZDK, Općine Maglaj, nekadašnjih članova UNPROFOR-a te sredstvima koje je obezbijedila škola. Obzirom da poligon nije adaptiran na adekvatan način (popucao je tanak sloj asfalta i iz njega raste trava) upućena je žalba Općini na izvođača radova (koji je angažiran po njihovom javnom pozivu) ali nismo dobili nikakav dogovor.
BROJ I STRUKTURA ZAPOSLENIH (stručna zastupljenost nastave)	UKUPAN BROJ OSOBLJA: 36 BROJ NASTAVNOG OSOBLJA: 27 BROJ NENASTAVNOG OSOBLJA: 9 Samo jedan nastavnik bio je sa neodgovarajućom stručnom spremom i to profesorica latinskog jezika, koja je angažovana prema uputstvu Ministarstva.
REALIZIRANE AKTIVNOSTI U OKVIRU GODIŠNJEG PROGRAMA RADA	Školska godina je realizirana u 175 radnih dana (učenici I-III razreda) a 150 za učenike IV razreda. Svi nastavni sadržaji realizirani su u skladu sa NPP te sa GPR škole. Pored redovne nastave u školi je održavana dopunska i dodatna nastava kao i vannastavne aktivnosti. Rad u školi organiziran je u prvoj smjeni.
VANNASTAVNE AKTIVNOSTI	U 2017/2018. godini u našoj školi vannastavne aktivnosti bile su organizirane kroz nekoliko segmenat, a okupljale su 20 nastavnika i 299 učenika (neki učenici su učestvovali u više sekcija. Na godišnjem nivou ostavreno je 700 sati. Kulturno-umjetničke sekcije – radile su literarna, novinarska, sekcija stranih jezika, likovna i muzička sekcija Naučno - tehničke i nastavne sekcije - djelovale su historijska, sociološka, informatička sekcija, mladi geografi te matamtičari i fizičari Sportske sekcije – košarkaška i odbojkaška sekcija Ostale sekcije – mladi ekolozi, bibliotečka sekcija Rad sekcija te dodatne nastave mjerimo prema uspjesima naših učenika koji uistinu nisu mali. Samo ove godine ostvarili smo sljedeće rezultate: Takmičenja koja je organizirao Pedagoški zavod Na kantonalnom takmičenju iz njemačkog jezika koje se održalo 17.3.2018. godine u Zenici bile su prijavljene 2 učenice prvog i drugog razreda : Arina Škiljo i Amra Tukić . Prvo mjesto osvojila je Amra Tukić, a treće mjesto Arina Škiljo Učenice pripremao profesor Nedžad Lokmić. Na kantonalno takmičenje iz matematike koje se održalo 24.3.2018. godine u Maglaju, bila su prijavljena 4 učenika: Ilma Dedić I-2,

	Eniz Smajuković II-2, Denis Suljaković III-2, Salkić Almedin IV-3 razred. Najbolji plasman postigao je Eniz Smajuković – 7 mjesto. Učenike su pripremali profesor Esad Obralić i profesorica Adnana Mehanović. Na kantonalno takmičenje iz fizike koje se održalo 17.3.2018. godine u Zenici bilo su prijavljena 4 učenika: Edin Šahbaz II-1, Mirza Bradarić II-2, Azra Osmanbegović IV-1, Amila Bašić IV-1. Učenici se nisu plasirali na federalno takmičenje. Učenike pripremala profesorica Admira Selimović. Takmičenje koje organizuje Američka ambasada U organizaciji Američke ambasade u BiH u Američkom kutku Doboju, 12. 04. 2018. godine održano je regionalno takmičenje u spellingu. Učenici Merjem Skejić, Kenan Hasanić i Benjamin Brkić predstavljali su našu školu. Benjamin Brkić, osvojio je I mjesto i obezbijedio plasman na državnom takmičenju . Takmičenje iz informatike za osnovne i srednje škole koje organizuje naša škola Takmičenje ITChallenge pripremili su naši učenici, ali zbog učešća u pripremi zadataka naše ekipe se ne takmiče. U organizaciji Društva pedagoga fizičke kulture općine Maglaj organizirane su „Male olimpijske igre“, učestvovala su muške i ekipe malog nogometa, odbojke i rukometa. Muška rukometna ekipa prošla je dalje na kantonalno takmičenje na kojem je osvojila I mjesto . Na kantonalnom takmičenju iz streljaštva naši učenici osvojili su I i II mjesto za žene i II mjesto za muškarce. Učenike je pripremala prof. Ervina Biberović. Na općinskom takmičenju iz Islamske vjeronauke za učenike I razreda, koje je održano 7. 4.2018. u Maglaju bile su prijavljene dvije učenice Selena Huseinbašić i Almira Tukić. I mjesto osvojila je Selena Huseinbašić, a treće mjesto Almira Tukić. Selena Huseinbašić osvojila je III mjesto i na kantontonalnom takmičenju. Učenice pripremao profesor Hikmet Hekić Čitav je niz nagrada na literarnim i likovnim konkursima.
REALIZIRANI PROJEKTI	Godišnjim planom i programom bilo je planirano 5 projekta. I – Pokreni se i budi najbolji što možeš. Cilj projekta je suzbijanje međuvršnjačkog nasilja, prevencija zloupotrebe društvenih mreža, borba protiv ovisnosti, razvijanje ekološke svijesti itd. II – Vašar ideja – podrazumijeva stjecanje znanja od eminentnih stručnjaka iz različitih vrsta umjetnosti te konkretna primjena tih znanja. III – Sajam obrazovanja – cilj projekta je okupiti na jednom mjestu visokoškolske organizacije te učenicima IV razreda pružiti potrebne informacije vezane za upise na željene fakultete, dakle,

	profesionalna orijentacija. IV- ITChallenge – projekat takmičarskog karaktera koji okuplja osnovce i srednjoškolce čitave regije (Federacije i RS) na takmičenju iz informatike. Specifičnost ovog projekta da ga pripremaju učenici starijih razreda uz asistenciju mentora.
POTEŠKOĆE I PROBLEMI U RADU TE PRIJEDLOZI ZA NJIHOVO OTKLANJANJE	Gorući problem za gimnaziju (kao i većinu drugih škola) jeste upisna politika i smanjen broj učenika, odnosno problem odlaska učenika ili cijelih porodica u inostranstvo. Gimnazija čini sve kako bi postigla upis što većeg broja učenika u našu školu ali i pored toga njen opstanak je upitan. Već sada imamo minimalan broj odjeljenja te ne znamo kakva nas sudbina čeka slijedeće godine. Pored ovih problema ostalo očekujemo da ćemo dobiti potporu općine za asfaltiranje prilaza školi koji je važan za sve učenike obaju škola, naročito je važno za one sa invaliditetom ali i za svečane prilike.
RAD VIJEĆA UČENIKA I VIJEĆA RODITELJA	Vijeće učenika je konstituirano u mjesecu septembru i u toku školske godine ukupno je održalo 10 sjednica. Koordinator je prof. Mirela Jašarević uz stalnu koordinaciju pedagoga. Realizirane su brojne aktivnosti koje se vezuju uz značajne datume ali i aktivnosti koje predlaže Mreža vijeća učenika. Organizirane su humanitarne akcije, predavanja na aktuelne teme itd. Realizirana je radionica „I mi smo za EU selo“, obilježen je Dan srednjoškolaca, obilježene Mjesec knjige, aktivnost „Jedan slatkiš –jedno dijete“. Obilježen je Dan volonterizma i čitav niz drugih aktivnosti koje se bave uspjehom, disciplinom, odgovornošću učenika. Zajedno sa VU MSS Maglaj realizovan je projekat " Već pet godina želim znati kad će ovaj ŠiT stati" kojim se želi naglasiti važnost problema odlaska mladih i obrazovanih ljudi iz BiH. VIJEĆE RODITELJA: Vijeće roditelja je konstituirano 4.10.2017. godine i u toku školske godine održano je 5 sastanka. Koordinator ispred Nastavničkog vijeća su Nedžad Lokmić i Esad Obralić uz koordinaciju pedagoga i direktora. VR je bilo inicijator formiranja novog izbornog područja koje je kasnije i uvojeno od MONKSA ZDK i PZ Zenica a nosi naziv informaciono-komunikaciono. Zamisao je bila da ga ima samo maglajska gimnazija kako bi privukla učenike sa drugih općina ali PZ i nadležno Ministarstvo nisu prihvatili tu ideju nego su omogućili svim školama koje imaju tehničke pretpostavke da otvore takavo izorno područje. Vijeće roditelja u ovom mandatu radilo je na velikoj promociji škole kroz gostovanje eminentnih imena u svijetu nauke te smo za učenike, roditelje i građanstvo pripremili čitav niz takvih gostovanja. Roditelji su dali potporu realizaciji projekta ITC .
ODRŽANI SASTANCI ŠKOLSKOG ODBORA	Školski odbor kao organ upravljanja radio je u punom sastavu. Predsjednik ŠO naše škole je gospođa Amerlina Muftić. U protekloj godini održano je 17 sjednica Školskog odbora. Na sjednicama su donošene sve bitne odluke za normalno i zakonito funkcionisanje škole. Školski odbor razmatrao je između ostalog: a) Usvajanje GPR škole b) Objavljivanje konkursa za izbor i prijem nastavnog i

	vannastavnog osoblja c) Praćenje uspjeha u učenju i vladanju te donošenje prijedloga za poduzimanje mjera za poboljšanje d) Odlučivanje o korištenju raspoloživih sredstava škole u skladu sa zakonom itd.
DRUGI PODACI O RADU ODGOJNO-- OBRAZOVNE USTANOVE	-
POTPIS I PEČAT ODGOVORNOG LICA	Direktorica: _____ Prof. Amela Hidić

